

Q. R. V.
DISSERTATIONIS ACADEMICÆ
DE

S O N O
MAGNALIUM DIVI-
NORUM PRÆCONE,
PARS POSTERIOR,

QUAM,

Suffragante Amplissimo Collegio Philosophico Aboënsi,
Sub AUSPICIO

MAXIME REVERENDI atque CELEBERRIMI VIRI

D:NI J A C O B I
G A D O L I N ,

S. S. THEOL. DOCT. & SCIENT. NAT. PROF. REG. & ORD.
Nec non ACAD. SCIENT. HOLM. MEMBRI.

Pro Honoribus Philosophicis rite Obtinendis,
Publicæ Disquisitioni offert

JOHANNES A. SELEEN,
V. D. M.

In Auditorio Min. V. D. die XXII. Dec. MDCCCLIX.

H. A. M. C.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.

AMPLISSIMO atque CONSULTISSIMO VIRO,
D: NO JOHANNI ERL.
T Ó R N,

Supremi, quod in Mag. Duc. Finlandiæ floret, Re-
gis Regnique Dicasterii Adseffori Gravissimo.
PATRONO & antehac NUTRITIO
PROPENSISSIMO.

Purima sunt, *PATRONE PROPENSISSIME*, quæ in **T E**
omnes venerantur: Excellentissimæ animi dotes, virtu-
tes dignissimæ, merita in Rempublicam Sanctamqve
Themidem varia & singularia. An non igitur intimum ve-
nerationis sensum percipiet ille, cui insuper summo Tuo fa-
vore multisq[ue] beneficiis frui licuit? Mihi quidem, dum
Filiorum TUORUM optime spei Juvenum studiis adesse,
plura certe favoris Tui documenta, quam dies & horas nu-
merare contigit. Quid vero agam? confunditur immo ob-
stupescit mihi animus virtutum TUARUM bonorumq[ue] mihi
collatorum estimatione, atque proinde doleo mentem tot vin-
culis constrictam exprimendis suis sensis maxime imparem
esse. Patiaris ergo *PATRONE PROPENSISSIME* ut pagellæ
hæ tenuissimæ, quas humillima mente **T I B I** offero, qualem
cunque ejus interpretem agant. De cætero Supremum Nu-
men supplex invocabo, dignetur **T E**, *PATRONE PROPEN-*
S I S S I M E omnigena felicitate quam diutissime beare, ut ha-
beat justitia fulcrum, Patria emolumentum & Familia TUA
Nobilissima præsidium & solatum certissimum! Ita vovet
permansurus

AMPLISSIMI atque CONSULTISSIMI NOMINIS TUI
cultor humillimus,
JOHANNES A. SELEEN.

Maxime Reverendo atque Celeberrimo VIRO
**D.^{NO} CAROLO ABRAHAMO
CLEWBERG,**

S. S. Theol. PROFESSORI Reg. & Ordin. Consisto-
ri Ecclef. MEMBRO Dignissimo, Coetus Christ. Lun-
doensis ANTISTITE longe Meritissimo.

VIRO Maxime Reverendo atque Celeberrimo
**D.^{NO} WILHELMO ROBERTO
N Å Å F,**

S. S. Theol. ADJUNCTO longe Dexterimo, Poëseos
PROFESSORI Reg. & Extraordinar. nec non Ecclesia-
rum Urbis Gratiae Wallis & Refo PASTORI
Vigilantissimo.

MÆCENATIBUS & PROMOTORIBUS
MAXIMIS PROPENSISSIMIS.

Vos.

Auraici. Heliconis. Lumina. Mæcenates. Propensissimi.
Quos.

Divina. Ingenia. Virtutes. Excellentissimæ. Vastissima.
Eruditionis. Copia. Dignitas. Gravissimi. Muneris.
Omni. Honore. Veneratione. Et. Cultu.

Dignos. Reddiderunt.

Patiamini.

Illum.

Qui Præ. Cæteris. Longo. Satis. Tempore. Variis.
Modis.

Modis. Et. Summo. Gradu.
Vestro. Favore. Sapientiae. Nectare. Consiliis. Et.
Subsidiis. Fructus. Est.
Hisce. Pagellis.
In. Se. Levissimis. Nominum. Vestrorum. Splendore:
Illustratis.
Qualitercunque. Exprimere.
Animum.
Intima. Vestri. Veneratione. Et. Gratissima. Maximo-
rum. Vestrorum. Beneficiorum. Aestimatione.
Et. Memoria. Abundantem.
Dignemini.
Mæcenates.
Auctorem. Earum.
Cujus. Spes. Post. Deum. Vobis. Recumbit.
Eadem. Gratia.
In. Posterum. Fovere.
Ne. In. Lucta. Cum. Adversa. Fortunâ. Succumbat.
Sed. Metam. Optatam. Vestris. Auspiciis. Attingat.
Hujus.
Officium. Cernuum. Erit.
Ardentissima. Suspiria.
Pro. Vestra. Continua. Felicitate.
Ad. Omnis. Boni. Remuneratorem.
Continue. Emittere.
Et.
Semper. Permanere.

MAXIME REV. atque AMPLISS. NOMINUM
VESTRORUM

*Devotissimus Cultor,
JOHANNES A. SELEEN.*



I. N. J.

§. VI.

Xposita in Parte Dissertationis hujus Priori *Genuina Soni idea, Ortu & Generazione, Propagatione item, Celeritate & Facultate* denique s. *Aptitudine corpora penetrandi*, iisque Magnalium divinorum documentis qvæ in illis eluent; proximum est, ut, pro instituti ratione, reliquas jam istius affectiones eodem modo perfeqvamur. Excipit itaque jam Soni *Diversitas*. Hæc ut excellens admodum atque admirandum est institutum, ita etjam origine sua atque constitutione & usu summas Auctoris perfectiones luculentissime demonstrat & inculcat. Quod enim ad originem hujus Diversitatis adtinet, per experientiam facile patet, eam ex variis dependere caussis, qvarum aliæ mox Sonum diversum producunt, aliæ vero illum jam excitatum qvodammodo mutant, atqve sic Diversitatem qvandam efficiunt. Inter illas itaqve observari inprimis mereatur innumera fere varietas materiæ ex qva corpora Sonantia constant; hinc enim varias possibles esse

A

esse Sonorum species, haud obscure intelligitur. Deinde ratio magnitudinis & figuræ corporum, immo diversa positio, quatenus vel normaliter vel oblique inter se colliduntur corpora (α); quæ singula infinite variari possunt. Ne quid jam de varia intensitate virium Sonos intensitate differentes producentium, dicamus. Inter has vero generaliter referuntur omnia quæ illum augere vel minuere possunt (β). E. g. laquearia sphæroidica, quæ colligunt in focum Sonum ex altero foco emissum; Unde patet, naturam quoque & distantiam locorum diversimode valere ad augmentum atque decrementum, itemque ad confusionem vel distinctionem Soni (γ). Qum vero nostrum jam non sit exactius has varietatis caussas rimari atque expondere, sed potius Magnalia divina hic observare; sufficiet generaliter tantum indicasse, alium Sonum esse *clarum*, alium vero *obscurum*, alium esse *alatum*, alium vero *demissum*, alium *magnum* & *vehementem*, alium vero *tenuem* & *lenem*, alium denique *continuum* & alium *interruptum* (δ). Ast quis quæso hic non statim videt, has generales Soni diversitates alias rursus specialiores & quidem innumerabiles involvere? Qvod si enim vel ad Artem Musicam, vel ad voces hominum animantiumque tantum attendamus, simulque cogitemus quam variis seu infinitis modis diversi hi Soni componi queant soleantque, quis non mox percipit infinitam Auctoris Summi sapientiam & potentiam sic comprobari. Hinc præclare SENECA: *Ille Deus est, qui non cala-*

mo tantum cantare & agreste atque inconditum carmen ad aliquam tantum oblectationem modulari docuit, sed tot artes, tot vocum varietates, tot Sonos, alias spiritu nostro, alias externo, cantus edituros commentus est (s). Usus vero hujus diversitatis eo insignior est, qvo certius constat illam non solum Artis Musicæ verum etiam loquacæ fundamentum esse. Quid? qvod stupenda Sonorum differentia præcipua quadam ratione illis qvoqve inserviat, qvi cum ad quosdam Sonos surdi sint, reliquos tamen capere possunt (t). In omnibus denique casibus, qvi hujusmodi diversitatem necessario requirunt, luculentissime usum ejus comperire licet. Hi autem sunt, in quibus tristia voce tristi, læta autem hilari sunt communicanda, vel ubi secreta mussitando, aut palam pronuncianta clamando exprimere necessum est. Excellenter hoc ipsum more suo demonstrat Cel. DERHAMUS: Hvem, utan et förståndigt Wäsende, ja, utan allena den Miss- mächtige och oändeligen wise Gud Den, har vål funnat (gjöra en jadan inträtning) at de (alla lesvande skäpelse) med en bedröflig röst funna uttrycka sin fruktan, brist, åsiggande och sorg, samt med en lustlig ton deras frögd och nöje: at de in om kort tid funna, igenom et högt fri och röp långt ifrån, samt nära igenom hemsligt hvistande gifwa tillkänna hread de wilja (n). Quid itaque aliud Auctor Optimus Maximus hoc diversissimo Sonorum ordine variisque ejus usibus intendit, quam ut his tot diversissimis præconibus eo abundantius se ipsum agnoscendum præberet, omnesque quotquot possunt, in debitum sui cultum tanto efficacius excitaret.

- (α) Vid. Cel. MUSSCHENBROEKII Introd. in Phys. Cap. XXXVII. §. 1131. (β) Conf. Cel. WALCHII Lex. Philos. sub voc. Schall. (γ) Conf. Dav. FROEDLICHII Exp. apud Warenium Geogr. Gen. Lib. I. Cap. 19. J. A. NOLLET. in Prælect. Phys. Part. III. Præl. XI. pag. 380. aliosque. (δ) Vid. interalios WALCHII Lex. loc. cit. (ε) Lib. IV. Cap. 6. De Benef. (ζ) Vid. J. A. NOLLET. Lib. cit. pag. 423. (η) Vid. Phys. Theol. Lib. IV. Cap. III. pag. 188. seqq.

§. VII.

Qum autem in Sonis generatim spectatis non solum Diversitatem sed etiam *Consonantiam* observare liceat, ab illa ad hanc jam transitum faciemus, & Magnalia divina quæ exinde innotescunt paucis perpendemus. Cum itaque ex iis, quæ in superioribus de natura & diversitate Sonorum disseruimus, abunde patescit, quemadmodum corpora sonora varios sonos excitare possunt, non solum ideo quod quædam eorum crassiora magisque elastica sint quam alia, adeoque fortius ac diutius contremiscere queant, sed etiam quantum vis eorum elastica, pro ratione majoris minorisve tensionis plures vel pauciores vibrationes dato tempore efficere potest; hinc facile colligitur, diversas sic Soni species, ex celerioribus aut tardioribus vibrationibus particularum corporis Sonori, oriri, qui, *Tonis* proprie sic dictos constituunt, quorumque artificiosa compositio est primarium Artis Musicæ objectum. Omnes vero Toni, quemadmodum ex dictis patet, primario in altos & demissos, prout

frout vibrationes, qvæ inter se mutuo conferuntur, celerius aut tardius peraguntur, dispescuntur; adeo ut tota Tonorum ratio, unde nomina sortiuntur, ex sola eorum comparatione dependeat; & qvidem ita ut denominatio Toni toties mutari possit, qvoties diversitas in objecto comparationis obtinet. Qvod si namqve duo corpora sonora, utpote duæ chordæ musicæ pulsatæ, eodem tempore Sonent, fieri non potest, qvin numeri vibrationum in utraqve certam qyandam inter se habent relationem; hæc vero si talis fuerit, ut, recurrentibus datis qvibusvis temporis intervallis, utraqve simul vibrari incipiat; erit hic periodicus Tonorum concursus earundem *Consonantia*. Hinc itaqve variæ oriuntur Consonantiae, adeo ut *Unisonus* dicatur Consonantia duarum chordarum qvæ æquali tempore singulas vibrationes absolvunt. Cum vero unius chordæ duæ vibrationes uni alterius respondent, *Octava* audit. Tres autem vibrationes unius cum 2. alterius coincidentes, *Quintam* efficiunt. 4. Cum 3. collatæ *Quartam*. 5. Cum 4. *Tertiam Majorem* constituunt. Et 6. vibrationes unius chordæ qvæ cum 5. alterius coincidunt, *Tertiam Minorem*, atqve sic porro. In omnibus vero hujuscemodi Consonantiæ speciebus, nihil, qvod facile patet, nisi sola relatio s. comparatio! Sonorum obtinet; qvi enim modo *Octavam*, *Quintam* &c. efficiebant, longe diversa sortiuntur nomina, qvam primum videl. tonus alias, qvi pro objecto comparationis habetur, assumptus fuerit diver-

sus. Hinc autem, quo constantem & datum Tonum seu fixum comparationis objectum haberent Multici, varie laboratum est; utrum vero ad finem perductum sit problema, qui in Arte nobilissima excellunt, ipsimet dijudicent. De difficultate hac in re obvia, nec non ingenioso D:ni SAUVERI tentamine ad Theoriam Acusticæ etjam hoc in puncto perficiendam, conferri merentur *Acta Acad. Reg. Scient. Paris.* A:o 1700. Modus autem quo consonantiae effici solent admodum memorabilis est. Constat videlicet chordam quamlibet eo plures vibrationes confidere, & per consequens altiorem quoque Tonum edere, quo brevior tenuiorque sit, & quo majori vi tendatur, unde sequitur, cum duas earum, ex eadem materia confectæ, ad consonantiam redigi debeant, ad 3. in primis momenta respiciendum esse, nam longitudinem earum, crassitatem, & gradum tensionis; & quidem hac lege, ut si ratio composita ex directa longitudinum & diametrorum & inversa subduplicata tensionum sit ratio, quæ inter numeros vibrationum eodem tempore peragendarum Consonantiae cuidam propria est, erit Sonus harum chordarum, si pulsentur, in eadem ista consonantia: e. g. Si duas chordas, ceteris paribus, sola longitudine differant, sitque unius longitudo dupla alterius; dabunt earundem Toni consonantiam, quæ *Oktava* dicitur, atque sic in ceteris (α). Qvod vero ad effectus Tonorum respectu audientium adtinet, experientiam magistrâ generatim novimus, non quoslibet eorum eodem modo

modo sensus nostros afficere, sed quosdam sensum gratum & jucundum, alios vero ingratum atque horrendum excitare. Unde vero diversus hic sensus proveniat, haud facile explicari potest; id tamen certum est, quod neque ex hominum arbitrio aut consuetudine sola, prout veterum quidam crediderunt, dependeat (β), sed potius ex harmonia illa quæ inter animam & corpus obtinet. Qui enim Toni, facta in nervulos impressione, eosdem vel nimis distendunt, vel humorum circulationem justam, vibrationibus minus convenientibus impressis, impediunt, vel quacunque demum ratione ad solutionem continui in hisce corporis partibus efficiendam tendunt, iidem non possunt non ingratam sensationem doloremque animæ cauillari; contra vero, qui cum motibus corporis sani optime conspirant, titillationem quandam sensumque jucundum in mente efficiunt. Hinc itaque factum est, ut simul fere ac Sonos perciperent mortales, de selectu eorundem atque artificiosa compositione solliciti fuerint, atque sic excellentissimæ *Arti Musicae* originem dederint (γ). Haec quin ab initio simplex admodum atque rudis fuerit, nullum videtur dubium esse, postea vero paulatim, haud secus ac cæteræ Artes & Disciplinæ exculta est, donec tandem in formam Scientiæ redacta, juxta regulas artis tractari cœperit (δ). Adsunt itaque Musices genera, quæ ad usus hominum voluptatemve eorum plus satis sufficere possunt. Quid igitur de excellentissimo Tonorum ordine dicemus? Numquid ut merum

merum cerebri humani opus illum contemplabitur? Neutiquam, sed qvicqvad mortalium viribus hic debetur, non nisi ex ipso Summi Auctoris instituto, profectum esse merito concluditur. Agnoverunt hoc jam veteres gentiles, qvi ut reliqvas Artes & Disciplinas, ita hanc qvoqve diis acceptam retulerunt (e). Agnoscunt etiam hodie omnes, qvi singularem DEI providentiam in artium ac Disciplinarum utilium inventione & cultura venerantur. Sic præclare Cel. DERHAMUS: Hwem har väl, utan den Allsmägtige, Allvise och Milde Skaparen, funnat stäffa en så oförlitkelig ordning, som vi finne uti Massiven, så at detta medium, som ofwanförmåldt är, tager så hastigt alla intrynckningar emot, och förer åter til hörslen, hvar och en rörd Strängs Melodie, hvar och en lefvande stämmas eller Pipas, och annat Musicalist Instruments harmoniska slag, & qvæ seqq. (?). Elucet itaqve in hoc propensissima erga nos miseris voluntas divina, qvod vel Musices ope haud raro animus recreetur, delebetetur, curis molestiisqve laxetur & morborum denique melancholicorum vi ac dolore levetur. Immo & hoc ceu singulare providentiæ divinæ documentum observari meretur qvod mox post ortum miseriarum hocce remedium inventum sit, prout egregie rursus observat DERHAMUS: Så god, inquit, har Skaparen varit, at man så tidigt upfunnit et medel til at fördrifwa Melancholie, upmuntra sinnet, weder-qwecka Människliga slägter, samt thy, et angenämt tidsfördrif förskaffa ic. (y). Si cui vero tenuia hæc videantur, is cogitet, qvod si DEUS O. M. in tenuibus tantam commodi nostri curam demonstraverit, utique in rebus

rebus majoris momenti, qvæ felicitatem nostram propius concernunt atqve constituunt, multo magis ipsi confidere oportebit.

(α) Conf. J. A. NOLLET. Præl. in Phys. Exp. Part. III. Præl. XI. pag. 395. (β) Inter hos eminent in primis ARISTOXENES cum suis affecclis. Vid. BRUCKERI Hist. Crit. Philos. Tom. I. pag. 1056. (γ) Sic Antiquissimus Scriptor MOSES in historia Creationis mentionem τε JUBAL filii LAMECHI infert, qvi laud multum post Orbem conditam vixerit; *Artisque Musica* inventor exsisterit, Gen. 4: 21. Scriptores autem Profani plerique MERCURIO cūdām hocce inventum tribuunt. Vid. Cel. KRAFFTII Præl. in Phys. Part. III. Cap. VI. §. 307. Alii AMPHIONI cūdām, Alii denique Aliis. Vid. BRUCK. loc. cit. (δ) Hujus qvidem rei gloriam PYTHAGORÆ communiter tribuunt, qvem postea imitatus sit PTOLEMÆUS qvi prioris inventa aliquantisper correxerit & auxerit. Conf. KRAFFT. Lib. & Cap. citt. §. 303. seqq. Et BRUCK. L. c. Recentiori autem ævo multi hanc Artes excolare studebunt, ut Cel. EULERUS in Tent. Nov. Theor. Musicæ Alii que. (ε) Vid. PLUTARCHUS. CICERO Tuscul. Qvæst. Lib. I. Cap. 29. (ζ) Phys. Theol. Lib. IV. Cap. III. pag. 192. (η) Lib. V. Cap. I. pag. 372.

§. VIII.

HActenus Sonum in motu ejus, dum a corporibus sonoris undique propagatur, consideravimus, variasq; ejus ibidem affectiones notavimus, nunc ipsum ad objecta occurrentia seqvemur, & qvid in hisce casibus contingat breviter observabimus. Atque sic quidem experientiâ notum est, Sonum

qvemlibet ad objecta qvædam delatum ab ipsis reflecti; qvi Sonus reflexus duplex est *Resonans* nim. atqve *Echo*. Illa qvidem, cum minor est distantia inter corpus sonorum & objectum reflectens, qvam ut Sonus reflexus a Sono directo distingvi possit, & proinde ad augmentum illius facit (α). *Hec* autem est Sonus, ab obstaculis in majori distantia collocatis reflexus, & ab illo directo distinctus (β). Cum vero Echus non semper & in qvolibet casu percipi qveat, necessum est, ut conditiones qvæ hic adesse debent, paucis consideremus. Qyod itaque primum ad ipsam naturam objectorum adtinet, obseruandum alia eorum, justam si tenuitatem atqve elasticitatem habeant, ipsa in motum tremulum excitari, adeoque simul a parte anteriori repellere, a parte vero posteriori propagare Sonum. Aliæ vero totum fere Sonum absorbent, utpote objecta mollia (γ). Generandæ autem Echo in primis, teste experientiâ, inserviunt montes prærupti, ædificia grandiora, silvæ elatæ & qvacunqve præterea corpora undis soniferis repellendis sunt proportionata. Requiritur præterea ut quietus sit aër, qvippe qvum vento aut procella furente, Echo qvæ debilis est Sonus, etiamsi adsit, murmure æstuantis maris, vel fremitu Silvarum facile confundatur, ita ut percipi neqveat. Qvanta vero distantia objectorum Echum generantium erit, data velocitate Soni, haud difficulter determinari potest. Cum videl. Sonus directus per unicam lineam remam ad organum auditus perveniat, Sonus autem

qui Echo dicitur, post factam reflexionem unam pluresve, plures rectas percurrat, anteqvam in aum rem incidat; patet, distantiam a Sono directo per cursam, a summa linearum, qvas Echo inde ab ortu Soni usqve ad aurem percurrerat, subtrahendam esse, atqve differentiam distantiarum sic inventam tantam esse debere, ut tempus, qvo Sonus eandem percurrit, non solum durationi Echus æqvale sit, sed eandem qvoqve aliquantum superet, tantilla nim. mora, qvantam reqvirit auris ad diversos Sonos, qui fese inseqvuntur, ab invicem distingvendos (3). Neqve tamen nimis magna sit hæc distantiarum differentia, qvippe qvum Sonus tum debilitetur atqve in justo majori distantia tandem evanescat. Sonus porro directus prius semper auditur qvam reflexus, & hic illo cessante demum inseqvitur. Qvod si vero obstacula impenetrabilia inter ortum Soni atqve organum auditus posita, Sonum directum absindant & impedian; tum qvidem sola Echo totum Sonum utcunqve prolixum ad aures refert, etjamsi differentia distantiarum memoratarum utcunqve brevis sit. De cetero, qvomodo Echo *Monosyllaba* a *Poly syllaba*, *Monophona* a *Polyphona* differat, & qvæ præterea hic obvenire possint naturæ quasi mircula, non vacat nobis prolixius explicare (4). Id potius, ceu ad institutum nostrum spectans, addendum videtur, qvod imperitum vulgus, saltem in qvibusdam Finlandiæ regionibus, superstitione forte inde a gentilismo propagata ductum, persyasum sibi habeat dari Silvanum

qvendam, seu Dæmonem in silvis potissimum ob-
vium, patrio idiomate *Hÿsi* vocatum. Hunc canes
ſævientes (*Hÿden-coirat*) habere opinantur, qvorum
qvidem latratu, homines, dum in Silvis versantur,
haud raro terreri atqve infestari soleant; hunc ve-
ro latratum exinde dignosci, qvod nullam penitus
reſonantiam vel Echum comitem habeat, immo ne
in ejusmodi qvidem locis, qvorum natura cetero-
qvin his excitandis vel maxime inservit. Qvis au-
tem non videt, hanc aliasqve hujusmodi fabulas, ex
ignorata Soni natura ortam esse. Qvod si enim
iste verus canum latrantium Sonus esset, certe E-
cho illius non nisi per miraculum restingvi posset;
miracula vero hunc in finem affingere, ineptum est.
Attamen, qvum facta, plurium testimoniis a suspi-
cione fraudis alienis, contestata, temere non sint
neganda; concedimus audiri qvandoqve ejusmodi
latratus, ſed vel ſoliuſ mentis vel corporis ſimul vi-
tio morbove, neutiqvam vero facta undarum ſoni-
ferarum in organa auditus impressione, idem eve-
nire judicamus; qvod ipsum vel exinde pateſcit,
qvod ſpectra hæc, uti fert fabula, neqve ab omni-
bus qvi in eodem loco ſimul adſunt, neqve niſi a
Melancholicis, aut illis, qvi facinoris alicujus gra-
vioris ſibi conſciſi ſunt & poenas promeritas ſibi re-
præſentant, percipientur. Ex hiſce itaqve rurſus
pateſt, qvomodo opera divina, ſi rite perpendan-
tur, prona nos via ad religiosam Summi Numinis
venerationem ducant, contra vero ſi turpi desidia
ignorentur, non ſua ſed noſtra culpa nefandis er-
roribus irretitos teneant,

(a) Conf.

(α) Conf. Cel. JOH. GOTTL. KRYGERI Phys. Cap. VIII. §. 350. (β) Conf. inter alios Cel. MUSSCHENBR. Lib. & Cap. citt. §. 1160. seqq. (γ) Vid. Idem Loc. cit. §. 1165. (δ) Conf. Cel. KRAFFT. Lib. & Cap. citt. §. 216. (ϵ) Vid. De hisce Dissert. Mag. Nibling De Echo, Aboæ 1754.

§. IX.

Consideravimus sic Sonum directum atque refle-
xum; proximum itaque est, ut quia ratione e-
undo sensim *languescat* ac tandem penitus *cesset*, ani-
mo perpendamus. Nam, cum in antecedentibus di-
ctum sit, a corpore sonoro, tanquam centro, qua-
qvâversum quasi per circuitum sphæræ propagari
Sonum motibus rectilineis; seqvitur hinc de virtu-
te seu intensitate Soni intelligendum esse, qvicquid
de vi ejusmodi centrali, qvæ instar radiorum sphæ-
ræ emanare concipitur, in genere demonstrant
Mathematici; scilicet crescentibus distantiis decre-
scere vim & qvidem, cetèris paribus, eadem pro-
portione, quia quadratum distantiæ augeatur, (α).
seu in ratione reciproca duplicata distantiarum,
haud secus ac in propagatione lucis idem obtin-
get; adeo ut in dupla distantia quadruplo debilior
fiat Sonus. (β). Ex quo ulterius patet, Sonum
tandem sic debilitari, ut plane non percipiatur,
quo ipso cessasse dicitur. Hem! qvanta Magnalia
divina hic iterum eluent. Tot enim tantaque in-
commoda nobis afferret perpetua Sonorum dura-
tio, qvot omnimodus eorum defectus. Fac enim
qvemlibet Sonum excitatum, vel per aliquod tem-

pus durare, & facile deprehendes, quantum murmur totum hoc universum impleret. Certe omnis mox sermonis usus exspiraret, & qvævis animantia haud secus quam surda & muta evaderent; qvemadmodum isthoc in vehementiori Sonitu Campanarum, fragore tympanorum & tormentorum aliquo modo experiri licet. Jam vero, cum sapientissime ordinata est Sonorum alternatio, multiplex omnino est usus ejus (γ) Agedum! devota venerabundaque mente agnoscamus non solum sumam Dei nostri Sapientiam & potentiam, qua hæc efficere potuit, sed etiam bonitatem ejus incomprehensibilem, qua ista in creaturarum suarum maximum commodum convertere voluit. Immo prius cessent omnes Soni, & Toni, quam voces mortalium in laudibus ejus deprædicandis!

(α) Conf. Cel. J. A. NOLLET. Lib. cit. Præl. XI. pag. 376. seqq. & Cel. MUSSCHENBROEK. Lib. & Cap. citt. §. 1149. (β) Vid. Cel. KRAFFT. Lib. & Cap. citt. §. 299. (γ) Conf. Cel. BERNH. NIEUWENTYT. Rechte Gebr. der Weltbetr. Tract. de Sono.

§. X.

Sonum quidem plerumque, longe lateque sese extendere, sed tamen certis limitibus includi, ita ut in infinitum progrexi nequeat, plus satis clarum est. Nunc igitur ad ipsos *Terminos* attenden-
do videbimus, qvalia hi de Auctore perhibeant te-
stimonia. Pro intensitate causæ Sonum edentis amplificari terminos Soni, experientia testis est. Sonitus campanæ majoris longius auditur quam tintin-

tintinnabuli, & fragor tormenti majoris bellici, quam Sclopeti cujusdam; itemque qvo vehementius pulsetur campana, aut quo majori copia pulveris oneretur tormentum, eo longius propagabitur Sonitus; atqve sic in cæteris. Vento secundo accelerari, adverso vero retardari Sonum, ante monuimus; quod autem in casu priori ad maiorem in posteriori vero ad minorem distantiam idem perceptibilis fiat, æque evidenter patet. Verum terminos Soni meditanti, termini Scientiæ obicem ponunt; a priori enim haçtenus determinari nequeunt (α). Quod tamen ad distantias stupendas propagetur Sonus fortior, variis exemplis constat. Sic novimus Sonum tormentorum bellicorum, circa expugnationem Urbis Genuæ excitatum, ad distantiam 90. mill. Ital. s. 22 $\frac{1}{2}$ Germ. auditum esse (β). Sic relatum legimus, Sonum tormentorum bellicorum Holmiæ explosorum, ad 180. mill. Angl. sese extendisse. (γ) Et quod denique adtinet ad limites Soni arte vel certis instrumentis hunc in finem confectis propagati, novimus istos quoqve per spatia satis stupenda, sese extendere. De tuba Stentorea *Alexandri M.* fertur, quod per illam milites suos dispersos, ad intervallum 100. stadiorum distincte alloqui & convocare potuerit. (δ) *Morlandus* vero sua Tuba, ad distantiam 2250. Ped. Angl., & altera majori ad $\frac{3}{4}$ mill. Germ, Sonum distinctum protulit. (ϵ). De aquæ ductibus Romanis quoqve traditur, qvod videlicet Sonus aut vox, utcunque debilis, in illos immisitia, per integrum eorum longi-

longitudinem, ultra 600. pedes ita deferatur, ut in altera extremitate eorum distincte percipi queat (§). Habet quoque suos terminos horribilis fragor tonitruum, quorum distantia investigari potest, attendo ad temporis intervallum quod intercedit inter fulguris comparitionem & primum auditum tonationis, id quod mediante pendulo haud difficulter invenitur; Posita videlicet velocitate Soni superius adstructa, seu Sonum unico m". 1173. ped. Svec. percurrere, quorum 36000. unum milliare nostrum obsolvunt, sequitur tonitru quod post visum fulgur auditur, intercedentibus 15. m". qualem quidem saepius observavi, circiter $\frac{1}{2}$ milliare distare; intercedente vero tempore 42. m". quod rarissime his in terris contingit $1\frac{1}{2}$. mill. circiter abesse. In hac autem tanta distantia adeo debilem percepi fragorem tonitru, ut evidenter patesceret, idem longius sentiri vix potuisse. Adsumt itaque rurus amplissimi soni termini, ut magnalium divinorum testes irrefragabiles. Hi namque, quo altius transcendunt vires intellectus humani, eo maiores Auctoris Summi perfectiones arguunt. Hi itaque maxime venerabundum in nobis excitabunt affectum. Hi amorem ejus in nobis incendent. Hi denique ad laudem ejus, ad quoscunque terminos propagandam, efficacissime nos exhortabuntur!

(α) Vid. inter alios Cel. MUSSCHENEROEK. Lib. & Cap. citt. §. 1150. Cel. KRAFFT. Lib. & Cap. citt. §. 314. (β) Vid. *Transact. Angl.* N:o 113. (γ) Vid. *Abridg'd the Philos. Transact.* pag. 382. seqq. & DERHAM. Loc.

Loc. cit. pag. 191. not. 27. (d) Vid. Sturmii Colleg. eu-
rios. Part. II. pag. 142. (e) Vid. Cel. KRAFFT. Loc. cit.
§. 318. (f) Vid. KIRCHERI Musurg. Lib. IX. Cap. 3.

§. XI.

IN antecedentibus Sonum extra nos consideravi-
mus, exigit itaque jam ordinis ratio, ut, qvomo-
do ad *Perceptionem* nostram deferatur, breviter
evolvamus. Organum Soni percipiendi auris est.
In hac multa qvidem occurunt consideratione di-
gnissima, attamen, qvum ea omnia rite hic per-
qvi non liceat, palmaria tantum attingere juvabit.
Atque sic qvidem primum summam observamus sa-
pientiam atque providentiam divinam, in ipso nu-
mero hujus organi constituendo, qvi qvidem penes
omnia qvæ novimus animalia duplicatus atque ca-
piti insertus est, ubi & facillime conservari &
motus soniferos ab utravis parte impressos commo-
dissime recipere potest. Qvod si vero jam ad ipsam
structuram & partes hujus organi considerandas,
nosmet convertamus, tantum sine dubio sapientiæ &
potentiæ theatrum offendemus, ut vix satis illud ad-
mirari queamus. Tot enim partes elegantissimæ hic
occurunt, tot admirabiles subtilitates, tot conve-
nientissimæ earum combinationes, ut nihil nisi o-
ptimum, excellentissimum & divinum, in toto hoc
ce organo deprehendere liceat. Et qvamvis stru-
etura ejus apud omnes fere animalium species haud
parum variet, interim tamen usui singulorum sa-
pientissime est accommodata. Nos aurem huma-
nam exempli loco scrutabimur. Dispescitur hæc in

partem externam & internam. In illa primum occurrit *Helix* cum inflexis suis cavitatibus. Hæc cartilaginosa & elastica musculisqve instructa est, qvibus pro re nata tenditur aut laxatur; adeo ut per amplam aperturam collecti radii sonori distincti in ipsam concham inducantur. Hinc excipit *Meatus auditorius*, qvi serpentino ductu, ne forte Sonus vehemens violenter procedat, usqve ad *Tympanum* eandem ob caussam oblique positum, aptissime eosdem defert. Est autem hoc Tympanum membrana tenuissima tensa, osse margini Meatus auditorii connexa, partem auris externam ab interna separans. Summum hic ubique exsplendescit artificium; in primis vero admirabilis est ille machinarum apparatus, qvo a tympano versus interiora auris radii sonori ulterius propagantur. Ad sunt videl. tria ossa *malleus*, *Incus* & *Stapes* dicta, cum quarto quodam exiguo, qvod *os orbiculare* dicitur; sunt autem hæc instrumenta sita in parte auris interior concava, cui *Labyrinthus* nomen, qvæ post Tympanum proxima est, atque per *Tubas Eustachianas* in palatum seu cavitatem oris hiat. Usus vero horum instrumentorum est, ut malleus, qvi musculo ad motum efficiendum instructus est, dum una parte, qvæ instar manubrii Tympani centro adhætitur, motu suo Tympanum vel tendit vel relaxat, altera simul parte agitat incudem, qvæ mediante osse orbiculari, similem motum Stapedi imprimunt. Hic Stapes cohæret membranæ xpansæ super *Foramen Ovale* cavitatis, qvæ a Labyrintho introrsum

trorsum progradientibus occurrit atque *Vestibulum* appellatur; atque hinc quidem patet utrasque has membranas ab utraque Labyrinthi parte positas, ope harum machinarum similibus simultaneisque motibus agitari, adeoque aerem vestibulo contentum eorundem motuum participem reddi. Missis vero jam reliquis Vestibuli partibus, radios sonoros in admirabile hoc antrum comitati, observamus inde a sensorio communni huc pertingere *Nervum auditorium*, qui in subtillissima ramenta divisus non modo integrum cavum vestibuli circumquaque, in modum aulai, cingit, verum etiam in parte cava, quae figuram conico spiralem habet atque *Cochlea* appellatur, & quae septo quodam oblongo atque incurvato in duas partes divisa est, ipsum hoc septum transversis filamentis, quorum varia est longitudo, utrunque obtagit. Et haec quidem fila nervea, instar diversarum chordarum cymbali, variis, prout fert natura tonorum, Sonis agitantur, eosdemque, quos sic recipient, motus in ipsum cerebrum prout contendunt Artis periti, transferunt. En itaque sapientissimum & maxime admirandum Summi Opificis Artificium! (a). Modus autem specialior, quo anima seu spiritus, motus corporeos seu materiales percipere queat, nostrae jam non est indagationis, nec forte unquam in hoc quidem mortalitatis stu, perfecte intelligi potest; sufficit itaque nobis rem ipsam, ob evidentissimam experientiam, certam esse. Sic autem paucis perspecta Soni admiranda

miranda perceptione, tuto jam omnes, qvotqvot
inveniri possunt, Atheistas atqve irreligiosos provoca-
mus, ut dicant, cuinam Auctori stupendum hoc
artificium adscribere velint; propriā enim atqve in-
dependens existentia rerum materialium plane ab-
scura est. Casus vero fortuitus nihil aliud est qvam
figmentum & somnium, cujus nullus concipi potest
effectus. Quid igitur de hoc ipso dicent? utrum i-
psum effectum, an vero sapientissimum atqve o-
mnipotentem ejus Auctorem negabunt? neutrum
fane, *Esse namqve præstantem aliquam eternamqve na-*
turam, & eam quidem suspiciendam admirandamqve ho-
minum generi, pulchritudo mundi, ordoqve rerum Cœlestium
cogit fateri, prout præclare contendit CICERO (β).
Omnes itaqve qvotqvot Sonos percipiunt, qvoties
hoc agunt, toties qvoqve de eo cogitent, ut o-
ptimum Auctorem, cuius beneficio hæc contingunt,
vel ex hocce ejus opere evidentissime cognoscant,
dignisqve laudibus celebrare discant. Immo faxit
Ipse, ut Sonus cæteriqve Magnalium ejus præcones
id tandem efficiant, ut Nominis ipsius honor &
gloria, sit omnium, qvæ nostra audiunt, pri-
marius & ultimus.

FINIS.

(α) Conf. Cel. DERHAM. Phyf. Theol. Lib. IV. Cap.
3. Cel. MUSSCHENBROEK. Lib. cit. Cap. XXXVII. §.
1171. seqq. Cel. KRAFFT. Lib. cit. Part. III. Cap VI. §.
323. Cel. NOLLET. Lib. cit. Præl. XI. pag. 39. seqq.
(β) Lib. De Div. pag. 139. Conf. Qvæst. Talcuk.

Qvæst. I.

